

Ullormut oqaluuserisassanut nassuiaat.

(Inatsisartut Siulittaasoqarfiat)

Immikkoortoq 121-p, Nuna Oil A/S pillugu Inatsisartut inatsisissaattut siunnersuutip aappassaaneerneqarnissaata pingajussaaneerneqarnissaatalu ulloq 20. novemberimi aammalu 27. novemberimi oqaluuserineqartussanngorlugit nuunneqarnissaat Naalakkersuisunit qinnutigineqarpoq. Inatsisit Atortinneqarnerannut Ataatsi-miititaliap allannguutissatut siunnersuutaata suliarinissaanut sivisunerusumik piffissaqartinneqarnissamik Naalakkersuisut kissaateqarnerat tamatumunnga pissutaavoq.

Immikkoortoq 118-ip, Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaannut allannguutissatut siunnersuutip aappas-saaneerneqarnissaa pingajussaaneerneqarnissaalu UPA 2010-mut kinguartinne-qarnissaamik Inuussutissarsiornermut Ataatsimiititaliaq qinnuteqarpoq.

Immikkoortoq 40-p, Piniartut aalisartullu piffissap ilaanni inuuniarnikkut ajornartorsiulernerminni pisortanit ikiorserneqarsinnaanerisa pitsaanerulernissaat siunertaralugu sulisoqarnissaamik Naalakkersuisut peqquneqarnissaannik Inatsisartut aalajangiiffigisassaattut siunnersuutip aappassaaneerneqarnissaata UPA 2010-mut kinguartinneqarnissaa Ilaqutariinnermut Ataatsimiititaliamit qinnutigineqarpoq.

Aammattaaq immikkoortoq 57-ip, Inimik attartornermi peqqussummut atuuttumut allannguutissaannik kingusinnerpaamik 2010-mi upernaakkut Inatsisartut ataatsi-miinneranni Naalakkersuisut saqqummeeqqullugit Inatsisartut aalajangiiffi-gisassaattut siunnersuut, tamatuma kingorna qaammammut ineqarnermut akiliutaasartunut ineqarnermut meeqqanut tapiissuteqartoqartassaaq meeqqamut ataatsimut 18-it inorlugit ukiulimmut angerlarsimaffimmi najugalimmut 7,5 % -imik ineqarnermi qaammammut akiliutinut ilanngaataasartumik, taamaattoorli meeqqat amerlanerpaamik arfiniliussallutik, aappassaaneerneqarnissaa UPA 2010-mut kinguartinneqassasoq Ilaqutariinnermut Ataatsimiititaliap qinnutigaa.

Inatsisartunut ilaasortat makku akornanni taasisarneq pillugu isumaqatigiittoqarpoq:

Astrid Fleischer Rex (D) aamma Naja Petersen (A) ulluni 17. – 18. november.

Juliane Henningsen (IA) aamma Doris Jakobsen (S),

Harald Bianco (IA) aamma Malik Berthelsen (S),

Finn Karlsen (A) aamma Kuupik Kleist (IA),

Kristian Jeremiassen (S) aamma Debora Kleist (IA) ullumi ataatsimiinnermi.